



Inuussutissarsiutigalugu piniarnermut allagartaq maanna atuuttumut taarsiullugu inuussutissarsiutigalugu aalisarnermut allagartap, inuussutissarsiutigalugulu piniarnermut allagartap immikkoortilersinnersinnissai pillugu apeqquteqaat aallaavigalugu oqallisissiasatut siunnersuut.
(Inatsisartuni ilaasortaq Aqqalu C. Jerimiassen, Atassut)

Qujanaq Inatsisartuni ilaasortaq Aqqalu C. Jerimiassen siunnersuummut.

Piniarnej pingaartutut pigiliussimasatsitullu kulturitsinnut ilaavoq. Kulturi, aaliangiusimasariaqangarput kinguaariinnullu tulliuuttunut ingerlateqqitassarput.

Demokraatinili isumaqarpugut, siunissaq sungiuttariaqaripput, ikinnerpaat, piniarnerinnarmik inuussuteqartut. Piniartuuneq kingornutarput ajornartorsiorpoq, takorlooruminaapporlu, ilorraap tungaanut saannissaa. Ullumikkummi piniartuuneq annertoorujussuarmik ikiorsiissutinik napatinneqarmat. Taamaattumik isumaqarpugut, pilersitsissasugut, piniartuunerup sulianik allanik ilaqartinneqarnissaanik soorlu assersuutigalugu aalisarnermik imaluunniit takornariaqarnermik.

Tamanna tunngavigalugu tulluannngilaq inuussutissarsiutigalugu piniarnermut aamma inuussutissarsiutigalugu aalisarnermut immikkut allagartalersuinissamik eqqussinissaq. Akerlianik pitsaanerpaassaaq malittarisassat ullumikkut atuuttut ingerlatiinnaraanni imaasillugu, innuttaasunut ataasiakkaanut ajornassanngitsoq inuussutissarsiutigalugu piniarnermut allagartamik qinnuteqarneq taamatullu, pisortat tungaanniit aqqissuussap suliassartai piffisatornarpallaarunnaassalluni.

Taamatut oqareerlunga, uannut pingaartuuvoq tikkuassallugu, piniartuunerup tamakkiisumik ingerlannissaa ajornartorsioraluartoq, piniarnermut ileqqut suli kinguaariinni tulliuuttuni amerlasuuni atuuttussaamat. Puisit, umimmaat tullullu piniarnejartuassapput nerisassatut angerlaanneqarlutik nuna tamakkerlugu. Kulturitsinnut akuulluinnarami, unitsinneqarsinnaanngilaq.

Tassalu Demokraatit oqallinnermut isummersuutaat.